



---

Broj: **03/1-50-14-7-47/18**  
Sarajevo, 15.5.2018.

**PREDMET: Informacija o održanom seminaru o značaju nuklearne sigurnosti,  
Sarajevo, 19.3.2018.**

Dana 19.3.2018. u Sarajevu je održan seminar za visoke zvaničnike institucija Bosne i Hercegovine, Federacije Bosne i Hercegovine, Republike Srpske i Brčko Distrikta Bosne i Hercegovine o značaju nuklearne sigurnosti.

Cilj seminara bio je upoznavanje visokih zvaničnika iz zakonodavne i izvršne vlasti BiH sa širom slikom o tome kako sačiniti, održavati i razvijati državni program nuklearne sigurnosti.

Visoki zvaničnici upoznati su s ulogama i odgovornostima nadležnih organa vlasti u okviru režima nuklearne sigurnosti, o kulturi nuklearne sigurnosti, o sigurnosnom režimu za radioaktivne izvore u upotrebi, skladištenju i transportu te o otkrivanju nuklearnog i drugog radioaktivnog materijala van kontrole i odgovoru na takvu situaciju.

Seminar sje organizirala Državna regulatorna agencija za radijacionu i nuklearnu sigurnost u saradnji s Međunarodnom agencijom za atomsku energiju iz Beča i Zajedničkom komisijom za odbranu i sigurnost BiH.

Osim predstavnika zakonodavne i izvršne vlasti Bosne i Hercegovine, Republike Srpske, Federacije BiH i Brčko Distrikta BiH na seminaru su učestvovali i predstavnici Međunarodne agencije za atomsku energiju - IAEA, Misije OSCE-a u BiH, EUFOR-a i renomirani međunarodni eksperti. Borislav Bojić, zamjenik predsjedavajućeg Zajedničke komisije za odbranu i sigurnost BiH, u uvodnom dijelu obratio se učesnicima seminara, a u radu seminara učestvovali su Bariša Čolak i Šemsudin Mehmedović, članovi Zajedničke komisije za odbranu i sigurnost BiH.

PREDSJEDAVAJUĆI KOMISIJE  
**Sifet Podžić**

Dostavljeno:

- naslovu
- a/a